

	<p>KENYATAAN / SIARAN AKHBAR Untuk maklumat lanjut sila hubungi: Bahagian Komunikasi Korporat Perbadanan Putrajaya Tel: 03-8887 7033 Faks: 03-8881 1008</p>
---	--

560 PESERTA MEMERIAHKAN PUTRAJAYA TREASURE HUNT 2019

PUTRAJAYA, 14 September 2019 - Sebanyak 140 pasukan yang terdiri daripada 560 peserta dari seluruh negara memeriahkan Putrajaya Treasure Hunt (PTH) 2019 anjuran Kelab Sukan, Rekreasi dan Kebajikan Perbadanan Putrajaya (KRISputra).

Upacara pelepasan peserta disempurnakan oleh YBhg Datuk Dr. Aminuddin bin Hassim, Presiden Perbadanan Putrajaya (PPj) seawal jam 8.00 pagi bertempat di Dataran Putrajaya Presint 3. Turut hadir bersama Tuan Haji Hassan bin Ramadi, Senior General Manager Development Division Putrajaya Holding Sdn. Bhd., YBhg. Datuk Abdul Latiff Mirasa, Ketua Pegawai Eksekutif Nasyrul Quran dan YBhg. Dato' Omairi Bin Hashim, Naib Presiden Kanan Perbadanan Putrajaya.

Anjuran buat kali ke-7, PTH 2019 diadakan untuk mempromosikan Putrajaya sebagai salah satu destinasi pelancongan di samping memperkenalkan kawasan-kawasan menarik di Putrajaya termasuk beberapa kawasan komersil yang baharu dibuka serta beberapa lokasi unik yang belum diketahui umum di Taman Wetland dan Tasik Putrajaya. Selain itu, PTH 2019 merupakan satu aktiviti sukan yang sihat di kalangan masyarakat mengeratkan jalinan kerjasama dan memupuk semangat berpasukan.

Sejumlah 112 Pasukan yang turut serta adalah dari kategori terbuka, manakala 28 pasukan lagi adalah dari kategori tertutup yang terdiri daripada agensi-agensi kerajaan dan ahli-ahli kelab kebajikan.

PTH 2019 menawarkan hadiah bernilai RM15,000. Bagi kategori terbuka dan tertutup, bakal juara akan membawa pulang wang tunai berjumlah RM3,000, naib juara RM2,000 dan tempat ketiga RM1,000. Pasukan yang menduduki tempat ke-4 hingga ke-10 memenangi hadiah berupa wang tunai. Pasukan yang bertuah juga turut berpeluang membawa pulang 30 hadiah cabutan bertuah yang menarik dan lumayan.

Dokumen telah diaudit oleh Juruaudit Dalam
MS ISO 9001 : 2015 Perbadanan Putrajaya
pada 17/9/2019

Kesemua barangan misteri harta karun yang diperolehi oleh para peserta PTH 2019 juga akan diserahkan kepada rumah kebajikan anak yatim dan orang tua melalui program Kembara Putrajaya yang bakal diadakan kelak.

Untuk pertanyaan lanjut berhubung Putrajaya Treasure Hunt 2019, sila hubungi, En. Mohd Fairus Bin Mohd Padzil di talian 03-8887347/019-3354346 atau Encik Ahmad Fazila Othman di talian 03-88877325/012-5761490.



(TENGGU AINA BINTI YTM TENGGU ISMAIL SHAH)

Pengarah

Bahagian Komunikasi Korporat

b.p. Presiden Perbadanan Putrajaya

Tarikh: 13 September 2019